

# O CHUAC DEU A BENVIDA A 92 RESIDENTES

O salón de actos do Hospital Universitario da Coruña acolleu onte o acto de Benvida dos 92 residentes que se incorporan á Xerencia de Xestión Integrada da Coruña para o seu período de especialización.



Clasificación

Categorías:

Con motivo do acto de benvida da nova promoción de residentes Luis Verde Remeseiro, xerente da Xerencia de Xestión Integrada de A Coruña, suliñou “a importancia que para os centros sanitarios supón a incorporación de novos profesionais en formación que estimulan aos propios integrantes da institución a manterse actualizados, transmitindo as súas experiencias para seguir formando especialistas de recoñecido prestixio a nivel nacional e internacional”.

Ademais de destacar que “entre todos intentaremos formar aos mellores profesionais e para iso ofrecémosvos a oportunidade de vos iniciar e progresar na investigación, xa que contamos con grupos consolidados de excelencia en liñas relacionadas coas enfermidades más prevalentes, pero tamén as minoritarias. Aquí teredes a oportunidade de desenvolver o voso labor no eido da investigación biosanitaria. Unha organización ou un profesional que non investiga, que non se plantexa preguntas, está abocado a estancarse”.

Ao acto asistiron, ademais do Xerente da XXI A Coruña, o equipo directivo e todo o persoal facultativo dos centros dependentes.

## 92 residentes

A nova promoción compõe dun total de 92 residentes (55 prazas de medicina hospitalaria, 20 prazas de medicina familiar, 15 prazas de enfermería, 1 de farmacia, 1 de psicoloxía, que se distribuirán polos hospitais Universitario A Coruña, Teresa Herrera, Marítimo de Oza, Abente y Lago e os centros de saúde).

Os futuros especialistas elixiron este centro sanitario pola súa calidade asistencial, contrastada nacional e internacionalmente nalgunhas áreas, á que se suma o renovado interese pola actividade investigadora, facilitando o acceso dos seus residentes á carreira académica mediante os programas de terceiro ciclo, as novas liñas de investigación en ciencias biomédicas e completando a súa formación coa programación de cursos de materias médicas e paramédicas.